

Sanhgyangh: Aenban Sonlien Dajsiuq Caeuq Daemj Baengz Dungcuz Guh Sat Gvaq

7 nyied 24 hauh, aenban Guengjdoeng Guengjsae doxgap banggunz sonlien dinfwngz dajsiuq caeuq daemj baengz Dungcuz youq Sanhgyangh Dungcuz Swciyen Gujyiz Cin Nanzcan Segih guh sat gvaq. Ndw segih neix gyawj 100 boub mehmbwk Dungcuz ginggvaq doxcomz hwnjdangz lienhguh, “aendangz gwnz vangj” daengj lai yiengh banhfap hagsib, rox dinfwngz dajsiuq Dungcuz caeuq daemj baengz Dungcuz. Rox dinfwngz le, gyoengq mehmbwk Dungcuz senj dieg youq de ndaej youq ranz couh miz hong guh, caemhcai baengh aen banhfap Guengjdoeng Guengjsae doxgap banggunz neix lai ndei gai bae doenghyiengh vwnzva lijyouz lai lai; neix couh okrengz coengh gyoengqvunz senj dieg youq de lai ndei duetgunz.

(Vuz Lenyinh/吴练勋 Lantz Cwzbingh/兰泽兵)

► Ndw doz dwg gyoengq boubxag hag sat le angqvauvau doxcomz ingjsiengq.



Bwzswz Si Hai Aenhoih Hong Minzcuz Cunghgyau Gyang Bineix

7 nyied 24 hauh, Bwzswz Si aenhoih hong minzcuz cunghgyau gyang bineix youq Dwzbaui Yen hai. Aenhoih neix cunggez bineix bueng bi gonq guhbaenz gijmaz hong, naemjngeix nda ndei bueng bi laeng au guh gijmaz hong, ndawde lai dawznaek hong cauhyuh aen si guhyiengh minzcuz doxgiet baenaj daengx guk. Doenghbox vnz doxgven ndaw minzcuz cunghgyau hidungj aen si neix camgya hai hoih.

(Banz Fuyauz/盘馥瑶)



▲ Ndw doz dwg yienhciegz baez hoih neix.



▲ Ndw doz dwg boubxengjcaz caz gijgwn caemhcai gang ok vwndiz.

Yungzsuij:

Bauj Gijgwn Ancienz Hawj Cunghgauj Swnhleih

7 nyied 24 hauh, gih raeuz cunghgauj hainduj lo, gungh gauj 3 ngoenz. Youq duenh cunghgauj neix, Yungzsuij Myauzcuz Swciyen Giveij Genhveij caeuq Genjcazen, Hawciengz Genhduz Guenjieix Giz gyoebbaenz aendoih duhcax, liuxle mbouj lwnh vnz rox, mbouj dingh bae gizlawz gonq, baenzneix guhndumq bae daengz ndaw yienh 12 giz gaujdenj, dawzyiemz sijsaeq caz yawj gij doxgaiq gwn ndaw hagdangz — baudaengz doxgaiq ndip cawx daeuj, gijgwn ce guhyiengh caeuq veiswng baenzlawz yiengh daengj. Langh miz gijlawz mbouj hab gveihfan, couh heuh gyoengqde dangciengz gaij ndei dauq, baenzneix guh couh bauj daengx yienh 7000 lai boub hagseng camgya cunghgauj ndaej swnhleih.

(Lungz Linzci/龙林智)

Lozcwngz: Vunzlai Maij Yawj Vwnzyi “Ndawbiengz”



▲ Ndw doz dwg gyoengq boubxyienj ndaw aendoih vwnzyi ndawbiengz yienj cezmuiz dangdieg.

7 nyied 21 hauh banhaemh, youq Lozcwngz Mulaujcuiz Swciyen Gyauszan Yangh Banjdonz Cunh Vwnzva Hozdung Cunghsinh, miz ciengz biujyienj vwnzyi “ndawbiengz” ndeu, vunzlai doq yawj doq bekfwngz bobbob. Duenh neix, aen yienh neix youq daengx yienh mbeguh hozdung vwnzva banggunz caeuq yienjok vwnzyi hawj vunzlai ndaej ikleih, haengqrengz guh doh daengx yienh gak aen cunh bae. Baez hozdung neix, gak cunh vwnzyidui guhdaeuz, ciuq gij saeh depgyawj vunzlai lajmbanj, gag bien gag yienj gij cezmuiz vunzlai maij yawj, baez yawj baez dingq couh rox, baenzneix guh vunzlai maij dangqmaz.

(Se Sunhwngz/谢顺珩)